

華東卷

【上編】



地方志人物傳記

資料叢刊

國家圖書館編

北京圖書館出版社

【華東卷】

上編

第八冊

地方志人物傳記資料叢刊

國
家
圖
書
館
編

北京圖書館出版社

第八冊目錄

(光緒)德州志略

人物傳略	一
孝行	一七
忠節	一八
方外	二三
宦績	二四
金石志	二七
貞節傳	二九
表	三四
科貢表	六八
武科第表	八一
文職官表	一一五
武職官表	一四三
駐防職官表	一七一
表	一七二
爵封表	一八一
秩官表	二四七
選舉表	二四七

金石志	二九九
官師傳	三一
隋	三一
周	三三
宋	三三
金	三三
元	三三
明	三三
清朝	三三
人物傳	三一八
漢	三二一
晉	三三六
隋	三四〇
宋	三四一
明	三四一
流寓傳	三四六
忠義傳	三四七
列女傳	三六〇
雜記	三九一

(民國)陵縣續志

表	三九七
職官表	三九七

選舉表	四〇一
雜職表	四〇四
畢業生一覽表	四〇五
自治表	四〇九
政黨表	四一一
法團表	四一二
金石志	四一四
官師傳	四一六
人物傳	四一八
列女傳	四二三

(民國)德縣志

學校志	四三一
貢舉表	四六三
宦績志	四七五
政績	五九九
職官表	六〇〇
人物志	六四〇
大儒	六四二
耆英	六四五
忠義	六四二
孝行	六四二
齒德	六四五

文職	六四五
武職	六五二
封贈	六五三
恩陰	六五六
保舉	六五六
孝廉方正	六五七
耆民	六五八
閭範志	六六二
賢孝	六八五
聲節	六八五
貞烈	六八五

(康熙)德平縣志

官師	六八九
名宦	六九五
貢士	六九七
恩陰	七〇三
隱逸	七〇四
孝義	七〇六
貞節	七〇九
德平縣續志	七一三
選舉志	七一三
人物志	七一三

封希尹傳畧

封希尹字華甫德州人初受學於李終逸年十八入州庠次歲丁母憂哀毀成疾年二十二父卒經營喪葬咸哀於禮繼母柴視如己子希尹奉事惟謹歲時供陳遺像未嘗不流涕也自奉必儉約周人必優厚有姊適李鎬鎬遠段天津家貧歸其柩葬之撫甥景洛賃屋資其衣食景洛受人嗾以希尹匿貲誣控官置不與校景洛旋亦悔謝待之如初少娶於張張無子投女田八百畝妻歿以地歸張張

德州人物傳畧

州衛書院校定本

氏立為義田州人兩稱之年四十二卒

封大受傳畧

封大受字仲可號棟堂德州人元豫孫乾隆庚戌恩科進士博雅工詩究心說文弱冠名噪海右登第後待銓縣令竟不謁選家居授徒卻其脩脯貧者兼資給之多所成就故城賈方伯臻其高弟也性謹恪不臧否人嘯歌一室詩書外無他好孫觀察星衍督糧山左重其學行求一見不可得孫益重之諸老既歿巍然負山斗重望一時碑版之文多出其手所著德州文撫詩撫柳枋日鈔邑里文獻

德州人物傳畧

州衛書院校定本

蒐采畧備事聞名教者輒紀以文年七十一卒於家

呂東表傳畧

呂東表字書佩號雲谷德州人生而英異八歲學詩即有
有情明月圓如鏡屈指今年第四回之句未弱冠補博士
弟子貢乾隆戊午舉於鄉壬戌成進士榜下即用知縣得
山西猗氏縣猗氏古郇瑕地也俗獷悍號難治閭閻開縣
之事不可屈指數甫蒞任即值亢旱籲於上官得所請頒
賑於鄉又捐俸賑以粥全活者億萬計居官儉約如寒士
體恤民隱置置如不及理訟明察如神民不忍欺有白面

德州人物傳畧

州書院校定本

包公之稱以俗謂包孝肅鐵面故也丁卯夏萬邑因丁徭
之故激為變城聞者三日矣太守往諭之民執之誓且走
已出南門將登山適東表以稟事至眾曰賢父母來矣羅
拜於前東表曉以大義欣然聽命炷香送太守還四門盡
啟紛紛者各鳥獸散迨詢公戡亂邑之居民不至玉石俱
焚者東表之力也歲庚午以應付餉車遲罷官居民含百
姓送粟米柴薪者爭赴門外辭不獲止辛巳

聖駕幸五臺趨熱河接

駕蒙召見

賞給原銜有紀恩詩二章居鄉恂恂不以賢智先人與同年宋
廉訪相友善每與倡和晚年悉焚其稿惟學詩漫草古文
格言四卷存焉

德州人物傳畧

州書院校定本

呂音正傳畧

呂音正字襄宸德州人東表次于天性肫篤幼嗜讀長入州庠旋食餽為一時名宿教授生徒皆勗以身心性命之功故游其門者多成為名儒良吏晚歲貢成均好學弗倦接人如春風煦物見者皆怡即市井樂驚之輩互相爭聞聞其至不勸自解皆肅然起敬當時咸以比漢之王烈云

宋弼傳畧

宋弼字仲良號蒙泉鄉賢宋公性後裔也曾祖炳明崇禎丙午舉人以刑部郎中補肅州道祖兆李康熙丙寅拔貢鄭城教諭父來會號秋圃癸卯拔貢世傳家學弼性耿介好直言乾隆乙丑進士授翰林院編修教習庶吉士分纂文獻通考癸未大考原品休致諸城劉文正錢唐梁文莊重其文章品行奏留在館轉贊善出為學秦階道伏羌徽禮等縣地震親行勘賑無一夫不被澤調甘肅道陞陝西

按察使治案牘夜以繼日不假手於幕友每出行禁供應御下以嚴暇則採風土物產以詩紀之著有詩集八卷文稿四卷俱未見所見者唯州志稿七冊

封元豫傳畧 鈔濟南府志



封元豫字立齋德州人康貢生性孝友事母李氏非周事外出則日侍膝下嬉笑為樂後年幾艾率行不俸季弟為人所陷幾獲重戾傾貲陰為解免終不使弟知之家計雖豐不喜華靡致致以延師課子孫為務與人言溫三若恐忤之年七十餘子希孔候選主事孫大受乾隆庚戌進士

州志書院校定本

魏爾秀傳略



魏爾秀字天毓號舍元德州人生而凝重不為童稚嬉戲年稍長耕田抱瓮作勞不息夜篝燈誦讀以貧故不能購書往往從人借錄書聲出老屋破窗中四鄰皆感動年十八補衛學生旋食餼問業於其族相^{叔祖}丞丞丞試其學甚悅謂之曰昔永平公治尚書有名中萬歷丁酉鄉舉子亦以此登北榜汝其勉之爾秀因專力治書乾隆庚辰領鄉薦時丞承已故爾秀念之輒流涕痛其不及見也值時日

德州人物傳畧

州志書院校定本

必素服為位祭之後應禮部試滿數下三藝皆就通貢院火起舍皇隨眾出述其文於同舍者傳誦遍都門踰數日再試病不得入闈中仍命原題同舍某錄為己作榜發竟高捷同人有為扼腕者爾秀曰命也自是不復進取與弟爾輝友愛無間有姜被蘇林之風同年葉官德州學正推城中宅居之幾十年乾隆壬子捐穀百斛振饑黨鄰里無德色當時咸以盛德稱之

魏爾秀傳畧

魏爾秀字天毓德州衛人弱冠為名諸生家貧耕田抱甕夜篝燈以讀乾隆庚辰中省試連上春官不第怡然曰吾其以力田老乎布衣草笠隱於田間壬子無年出穀振鄉里多免於流亡平生善教後進學者執經問難每立隴畔以受講解嘗納官米坐田車至城東門遇淖自下鞭牛以迨若忘其為鄉先生者爾秀性坦易胸無城府不喜交富貴惟以品節自高進士封大受銘其墓曰先生帶經而鋤

德州人物傳畧

州衛書院校定本

無含業以嬉汲泉汲古優哉游哉蓋隱君子也歷下唐雪懷寫濯園授經圖以贈之今藏於家孫開均官徐州衛守備家更有才畧嘗傾金脫人於難名聞江表

馮淑清傳畧

馮淑清字性之春臺號也德州衛人高祖廷槐興青州趙執信齊名稱二妙者淑清承其家學有雋才為諸生時周書倉太史器重之中乾隆庚子舉人官商河教諭平生行誼端方言笑不苟暮景頽唐二子橋樑已死身後無為之表章者然至今鄉人劇談稱先正必首推馮性老云

德州人物傳畧

州衛書院校定本

趙大經傳畧

趙大經字叔常號春礪德州人念曾子乾隆戊子舉鄉試第二人性豪邁敦尚氣誼詩文援筆立就悉有典則尤善學米襄陽書州人盧見曾宋弼咸器重之壯歲名動公卿與董文恪紀文達尤深文字契由鄒縣教諭擢知直隸武清縣邑瘠而貧民苦徵調大經潔己恤民困乃蘇生母袁歿以上元前邑人為罷燈市因公久留餽薪米者相繼其政可知也服闋改官山西襄陵知縣循聲尤著病卒於

德州人物傳畧

州圖書館藏定本

官邑人多尸祝焉著有閑遊草嶧尾草堂詩晴碧軒詩初心齋詩

李有基傳畧

李有基字福生號東園德州人裡之孫少負異才博涉書史既長尚氣節見義必為乾隆乙酉以第一人舉於鄉辛丑成進士官閩之連城令前令欠倉穀不能償有基憫其貧乏代償之未竟而有基卒於官大府留其子銅錄不遣兄弟泣請於府門者累日然後銅錄歸錄留為質三年銅罄產赴閩交款乃得與錄歸銅中乾隆癸卯舉人官蘭山廣文錄中嘉慶丙子舉人性古傲有父風其族有鬻其女於

德州人物傳畧

州圖書館藏定本

匪人者事甫定未嫁也錄在異縣教讀聞之趨歸以館金畀之退其婚別為擇配士人鄉里高其義相為傳誦封孝廉宗俞紀其事

趙士和傳畧

趙士和德州衛人諸生善岐黃術年六十其母尚無恙也
士和事之能悅其心日間賣錫聲假作泣狀問故曰欲乞
一錢買錫耳母因之笑又或枕母膝卧起而舞舞罷牽母
裾索母嗽與母話皆歡樂事不肯言及鹽米恐以貧餉母
憂其以色養者如此邑紳魏丕承與之交敬禮之曰此老
萊子也吾對之有愧色焉

盧蔭溥傳畧

盧蔭溥字霖生號南石德州人曾祖道悅進士河南知縣
祀鄉賢祖兄曾進士兩淮鹽運使世稱雅雨先生父謙湖
北武漢黃德道蔭溥生時左手有異文如筆及長性質敦
敏刻苦學問乾隆己亥舉人辛丑進士改庶吉士習國
書散館授編修與修三通及河源紀畧充翰林院辦事官
進擬文字多出其手乙巳

御試翰詹列二等辛亥再試列三等改禮部主事時阿文成公

掌院以其品學素優請留館

上諭曰朕用伊為部曹正以其堪任事非抑之也嘉慶己未兼

軍機章京辛酉升員外郎中甲子春京察一等戊辰擢鴻

臚寺少卿轉光祿寺少卿辛未以四品卿銜在軍機大臣

上行走由通政司副使歷升內閣學士兵部左右侍郎癸

酉九月京闈事竣赴灤京復

命尾

蹕抵白澗聞京師有警陳奏機宜即日

賜紫禁城騎馬調戶部左侍郎充經筵講官是時豫東及南

山匪徒相繼蠢動軍書旁午悉心贊畫綜練機務教匪肅清蒙

恩優叙

特旨賜子本舉人乙亥調戶部右侍郎丁丑擢禮部尚書三日

調兵部加太子少保冬調戶部庚辰七月扈從熱河調工

部道光元年辛巳

上軫念銓銜任劇繁輔事繁以夙有重望調吏部尚書順天府

德州人物傳畧

州府書院校定本

府尹事丁亥協辦大學士庚寅授體仁閣大學士總理刑

部夙夜殫心平反多獄以故形神兼瘁壬辰始以積勞成

疾累章乞身

上慰留至再癸巳三月乃

俞所請以太子太保致政

特命在家食俸疊賜後枝並頒福祚歲以為常乙亥年屆八

旬京兆請重赴鹿鳴以五月初六日卒於京邸蔭溥由詞

垣海躋台鼎其為政持大體勘視河工海口清理鹽筴皆

剔其利弊學其綱維吏胥無所隱充會試總裁者一順天

主考者三浙江山西主考各一提督河南學政一所拔取

多名士如桂林陳繼昌以名臣後為三元世稱盛事焉至

於內行孝友自少至老無間言晚年與季弟怡亭白首相

看跬步不捨訓于弟以嚴正遺疏中不為子孫乞恩可以

見志矣是年十一月葬德州二十里鋪之新阡子本蔭生

戶部員外郎孫三人長光燮次報勳次景煥自辛至葬

諭祭再三贈祿有加賜長孫光燮為舉人

德州人物傳畧

州府書院校定本

特贈太子太師諡文肅崇祀賢良祠

呂崇修傳畧

呂崇修字筠浦德州人乾隆甲寅登鄉榜官城武訓導清賊李九成之亂曹州羣盜猝起名城多不守時城武兵僅二十人知縣又恒怯無能為崇修與官紳盟募民兵數百籌以方畧晝夜乘城賊至文亭山距城里許火光如長蛇崇修激勵士卒氣百倍賊傾有備會雨引去事定論功加一級賞不酬功崇修宴如也道光壬午成進士歷知懷來遷安高邑等縣居官廉靜慈祥所至皆以好官稱有保安

德州人物傳畧

州衛書院校定本

令者改與崇修^喜為執家中幾不免崇修解全脫之於難其在高邑也慕趙忠毅公為人求其遺書讀之復禮遇其子孫志趣可想見已崇修貌魁岸品學冠一時至老手不廢書官畿輔十餘年俸金皆散之所識窮乏而自奉寒儉不異作諸生時年六十餘卒官^子載扶柩歸葬^官囊蕭索所遺惟破屋數間故書數篋而已

封大林傳畧

封大林字鄧庵德州人貢生於學無所不窺性疎放不修邊幅友人李鉅為蘭山教官歲得金必寄置大林家後鉅歸大林出破簾付之封識宛然

德州人物傳畧

州衛書院校定本

趙任傳略

趙任字肩吾德州衛人父如房邳州判官任年十七喪父貧甚居草廬下讀書恒達旦飢則泣恐傷其母也報謝朗請不已從名儒呂晉正學嘉慶辛酉選貢太學庚午登鄉榜癸未成進士之官皖省貧不能行友人為治裝乃行至皖試知含山已丁內艱歸廬墓側者百日服闋入楚攝光化篆甫八閱月廉能聲大著尋授竹谿令竹谿處萬山中菁深林密風稱盜藪向一達者盜魁也流毒鄖荆間官軍

德州人物傳畧

州衛書院校定本

李丕基傳略

李丕基字鐘宜德州人徵熊子才敏而博補弟子員旋以優等食餼一時老師宿儒咸加器重隨父官浙中承頗養志侍左右絕去膏粱紈袴之習徵熊罷官歸家徒四壁立盡無儲粟丕基舌耕奉養賴門生致脩脯給朝夕嘗從容言師嚴然後道尊吾濟以寬故其教人也因材而施不施夏楚人自化於光風霽月中殆所謂師述而功倍耶性樂易與人交不設城府熟於

德州人物傳畧

州衛書院校定本

國家寧故多聞舊典鄰里舉婚嫁喪葬事多求為斟酌古今從俗從宜豐儉皆中乎禮若閭閻之兄弟鄉黨之事往往得其一言而釋人以此王彥方云

李清渭傳略

李清渭字吏白德州人少負清才補博士弟子員旋食銀
父早卒事母以孝聞家泰貧賴筆耕供菽水每自塾歸必
將所見所聞之事縷述於母前母聽之喜形於色數十年
如一日與同里封宗翕趙孫亦為友以道義相切劘當時
均有碩儒之目嘉慶己卯捷於鄉官東阿縣學博



封宗翕傳略

封宗翕字鄂亭德州人早歲知名序序文行並優嘉慶丁
卯中副舉道光己酉登賢書連上春官不第以大挑選樓
霞教諭不就日與其弟宗良談經講藝研心性理之學書
淡泊明志二語於座右生平無一字干官府知州馮公春
暉宗翕房師也延入州署教其子宗翕不受脩脯時為之
剖解厚經助以立品教行之道馮益重之平日詩古文詞
皆工然碑銘壽序無幾以為非所深知不欲輕為掄揚也



年八十餘猶為諸孫改削窗塾其時已失明數年令諸孫
磨墨口授之須臾已完兩藝點石成金矣著有敦悅堂文
稿已刊

謝九錫傳畧

謝九錫字綸齋號雲村德州人郎中重輝元孫也生而穎異承其家學十五歲以第一人入州學屢舉不售游學四方肆力於諸古文辭家素貧性耿介不妄取予由歲貢授清平訓導歲餘卒於官年七十四詩諸體皆工尤長七古識者譬之蔓野叢林驚風來宅時人以為寫論刻有南阮集行世古文稿四言史藏於家

馬百道傳畧

馬百道字凝之號野坪德州人國棟曾孫幼即以孝聞母疾嘗露禱中庭每念母氏茹荼勤苦上節孝事實於所司得旌如例母氏為孫通參義山女孫通參文名滿天下歿後家中落為刻其遺集今所傳鶴侶齋詩文諸作也教子義方最嚴性鎮密不談人過義所不可無少阿或有干故人之顯者持多金丐為之地固辭終弗洩其事見人之阨必周咸豐甲寅粵匪逼境州侯委辦鄉團境賴以安事

定授武城教諭三年引疾歸卒楚北黃翔雲觀察稱其學以改過必勇為宗其司鐸也無干越無委惰先行後文嘗曰學官雖閒曹然自有當盡之責若關允自安何以官為旨哉斯言豈獨無愧為學官抑可謂思盡人職者矣鄉人至今式之

馬洪慶傳畧

馬洪慶字葛村號嘯崖百道仲子由道光己酉拔貢入為武部主政同治甲子舉京兆試性嚴介不近紛華父百道嘗病日夜不能交睫與兄均慶迭侍榻前以手支眦父得假寐時許如是者旬餘兄子蕭嗣幼失怙衣食教誨撫如己子課之先後成進士州諸生田昂壬戌病歿母老家貧洪慶存恤其家三十年無稍間有良家女為人掠賣具價贖歸其家絕口不復言光緒丁丑歲大饑豫慶訪山來德

德州人物傳畧

德州書院校定本

查賑舉洪慶理賑務乞食者日萬餘人身坐乾風烈日中驗給籤票五閱月形為之瘁福中丞潤重其操行每入

覲過德州先訪之僚屬因丐洪慶為之地婉謝之終其身不以尺書干大吏士大夫由是益欽之年六計有九微疾卒生平嗜詩著有養知堂稿陵州耆舊集集仿山左詩鈔例也

趙峰準傳畧

趙峰準字掄秋德州人念曾元孫辛酉壬戌併科副榜家學淵源以行誼文章相砥礪落落與世寡合古之狷介流也生平硯教四方聚徒講授一時朝華夕秀半出其門庚辰辛巳間安邱馮友文光祿視學粵東延入幕中深相器重重其文者重其品也二子皆諸生先相繼死嗣孫幼晚年抑鬱卒於里詩文諸作為有力者購而藏之奉為指南故著作半多散佚間存一二亦僅矣士論傷之

德州人物傳畧

德州書院校定本